



75 349

## QUÆSTIO MEDICA,

QUODLIBETARIIS DISPUTATIONIBUS

*manè discutienda in Scholis Medicorum, die Jovis,  
nonâ Februarii.*M. PETRO YON, Doctore Medico,  
Præside.*An in asthmatis paroxysmo purgandum?*

## I.

**A**STHMATIS nomine nihil aliud intelligitur quam frequens & anhelosa ἀνσπνοὶς, ut plurimum, cum summa thoracis contentione respiratio. Horrenda sanè species morbi, qui vel immanis & subitus ægro- tantem atrociter suffocat, vel contumax, ac lentus gravissima- rum affectionum sementem facit. Infantibus lethale malum asthma est, quoties hæticum, adultis periculosum. Hoc affe- ctu pulmo ( qui aliquando insons ) aliarum partium scelera sæpis- simè luit: nimirum si conflictetur genus nervosum, illico com- primitur trachea arteria & pulmonis bronchia convelluntur, si lien uteruse infaniant, si sanguis depauperatus segnius in vasis mo- veatur; hinc tenellum pulmonis viscus miserè discerpitur, irritò languescientis naturæ conamine; inde hanc ἀσπνοίαν patiuntur lo- bulorum vesiculæ, ut aërem nec emittant effectum, nec, ut par est, recentem admittant. Latet in sanguine tanti mali labes. Sanguis pessimis & evedis nimium fermentis imbutus serosam exprimit colluviem, tum suboritur enormis utriusque fermentatio, respi- rationis instrumenta brevi suffocatura.

**S**ANORUM in ventriculo coctionis opifex acidus & volatilis liquor, in asthmaticis degener in crudum acorem ac feri colluviem alimenta convertit. Eam ob rem cruda vomunt *πνευματωδεις*, deijciunt aquosa, & importuno fluxu salivæ urinæve crudioris labuntur in hydropem. Quot excruciantur syphilide, scorbuticis affectibus, hystericis, hypochondriacis, epilepticis, tot miserranda sunt asthmatis mancipia: hujus enim non infrequenter sentiunt imperium. Roridus humor jugiter elaboratur in vasis, hunc intus subigente fermento: sic non parvi refert, æqua sit an iniqua molecularum quibus ille constet contemperatio. Serosæ, salinæ, ceteræque sanguinis particulae æquabili motu cieantur, ne præpostera surgat turgescencia, quæ vitæ lares obruat. Sanguis asthmaticorum particulis cujuscumque naturæ, salso-acribus, acidis, volatilibus, fixisque saturatus, nunc ebullit impensè fluidus; nunc præ lentore consistit, serique patitur deliquium; nunc explosivis abundè fœtus, nunc spasmodicis, modo splenicum, modo uterinum fermentum exagitat; nonnumquam nervoso infensus generi, respirationis organa diris exercet symptomatis. Sic idem sanguis pronus ad orgasmum in violentos motus abripitur levissimâ de causâ, tum pulmonares comprimit vesiculas, quæ molles cum sint & flaccidæ faciliè illi debent obtemperare. Igitur ne mireris asthmaticum suffocari paroxysmi vehementiâ, quam intempestivus catharseos usus excitaverit.

## III.

**S**UADET purgationis necessitatem sapiens natura. Tot emunctoria cur destinasset alimentorum reliquiis, cur tot aperuisset vias, quibus partes expurgarentur? At quam operosum sana corpora, quam lubricum quæ sunt infirma purgare? Solus id assequitur qui noxios è vasis liquores educit cum *εὐπορεία*. Quas excretiones incohat natura, has ille perficit ope medicaminis. Novit corporis *εὐεγίας* qui scit ferocientibus succis frænos injicere, mitificatis remittere. Secus in asthmatis paroxysmo speraveris à potione cathartica. Irritat hæc partes simul & humores, quod retinendum foras eductura, retentura quod evacuandum. Levis aut vehemens *ἀνω* & *κάτω* subit intimos sanguinis & spirituum recessus, hunc & illos vitiatura: quæ secernit vel me-

lancholiam referunt, vel æruginosam bilem mentiuntur. Porro immatura purgatio serum utile cruoris vehiculum non raro exhaurit; huic tamen negotioso medentis præsidio. Suae sunt in morbis curandis opportunitates; sunt & difficultates, & ex locis & ex humoribus purgandis repetendæ. Sanguis serosâ scatens eluvie, morbidoque imprægnatus fermento, asthma fovet, paroxysmum provocaturus: haud absimilis vino fermentescenti, quâvis de causâ turgescit, parit ἀτμός spirituum: hunc ita fervidum aut ferocientem refrænare purgantibus quis attentaret: is equo currenti calcar admoveret imprudenter: quin & intenderet catharticorum stimulis seri jam ebullientis effervescentiam.

#### IV.

**S**ERI turgescentiam parit in asthmaticis humorum confusio, aut viarum interceptio. Sed hos non urget remédio qui cum Hippocrate ac ratione consentit. Contendat potissimum Medicus inordinatos fermentationum motus compescere, quæ ducenda veniunt segregare coquendo, aut præcipitando: humores reddat fluidos & obtemperantes, laxet vias quibus educendi sunt. Sordes egerunt intestina peristaltici motus & respirationis ope; sed hæc organa acrius lacessit purgantium violentia, & animatas spirituum copias adoritur, insolentem sanguinis effervescentiam concitatura: hinc non sine tumultu obsequuntur humores expurgandi. In asthmatis paroxysmo velut in peracutis summa statim sunt omnia, succi ferocientes ebulliunt, vasa pectoris adruptionem intenduntur, ἀνὰ vergit impetus omnis præcordiorum & sanguinis, natura prorsus oppressa gemit: num deleteria, num tumultuosa purgantium vis in auxilium vocabitur, quum tam dira premit respirandi difficultas; serosæ colluviei comes est, quæ contraxit ἰσχυρὴ, invalitudo. Experientia cum ratione suadet seri purgationem, loco, tempore celebrandam. Quis in epilepticis accessionibus, quis in hytericis impunè propinavit catharticum? iis in affectibus lasa per consensum respiratio si patiatur ab in tempestiva potione, in asthmatis insultu dum pulmones obruuntur ab humorum ferocia, dum latet in pectore tota mali labes, si cathartico moveas succos ibi turgescentes, spiramenta animæ aliundè languescantis cito suffocabis.

**A**TTENDAT itaque Medicus ad paroxysmum, sicut ad causam asthmatis, hæc non est sanguis effectus haud capax naturalis effervescentiæ. Is quidem sero dilutus nimio provocatur identidem ad fusionem ἀμερείας: sed tum fit acrius fermentum mali parens, fit etiam catharticum pejus colliquati sanguinis irritamentum. Si fortè serum pharmaco cesserit; salinæ molecule tunc minus dilutæ sui sunt juris, insolentes fermentationum modos excitaturæ. Sic sanguis magis effervescens gravius opprimit pulmonum lobulos, obruit & ferocior turba spirituum; quin & aliquando fugit è vasis redundans ruor. Tot occurrat incommodis φλεβοτομία, ingravescente vel vigente paroxysmo repetenda: veniant in auxilium quæ salium, quæ sulphurum castigant iniquas combinationes, quæ morbosa corrigunt fermenta, ἀνομαλίας feri, δυσχερείας vivici laticis. In declinatione tutius oggeres medicamentum, quo debellatâ morbi causâ spontè fluent humores, ἄνω, vel Κάτω secessuri. In plerisque morbis si coctionem materiæ peccantis expectaveris, vacuationi quam tentabis respondebit natura, quæ vigente paroxysmo sui semper impotens.

*Non ergo in asthmatis paroxysmo purgandum.*

Domini Doctores disputaturi.

M. Ambrosius-Nicolaus  
Chemineau.

M. Michael Sauvalle.

M. Guido Crescentius Fagon,  
Primarius Christianissimi  
Regis, Medicus, & Archia-  
trorum comes.

M. Joannes Gelly.

M. Ludovicus Piquenot  
de Dragueville.

M. Jacobus de Bourget.

M. Joannes - Baptista -  
Gabriel Fressan.

M. Claudius Burlet.  
Schola Professor.

M. Nicolaus Rainssant.

Proponebat Parisiis PETRUS JACQUEMIER, à Sancto Felice  
Diocesis Tolosanæ, Baccalaureus Medicus. A. R. S. H. 1696.

---

Apud Franciscum Muguet, Regis & Facultatis Medicinæ Typographum.